

Hezkuntza

EHUko bost irakasleren aurka neurri legalak hartuko ditu Ikasleen Kontseiluak

DONOSTIA

Euskal Herriko Unibertsitateko Giza eta Informazio Zientzien Fakultateko bost irakasleren aurka neurri legalak hartuko ditu Ikasleen Kontseiluak, ekainean azterketak egin ez dituztelako. Irakasle kontratadunek aktak sinatzen ez badituzte, ikasle gehienek irailean azterketaren bat egin beharko dutela adierazi du Kontseiluak.

Bost irakasle hauen aurka zein neurri hartu aztertzen ari zirela esan zuten Kontseiluko ordezkariak. Bost irakasle hauetatik lau kontratadunek dira eta bestea, titularra. Ekainean azterketak egi-teari uko egin diote berauek, «Kazetaritzako 1.200 ikasle kaltetuz». Kontseiluaren hitzetan beharrezkoa da irakasle hauen aurka ekitea, bai bide penaletik, baita administratibo edo zibiletik, ikasleek kalte ekonomiko eta moralak jasan dituztelako.

KALTE-ORDAINAK
ESKATUKO
DITUZTE

«Ikasleek kalte-ordain ekonomikoak eskatuko ditugu, gure

oinarrizko eskubideak bermatzeko. Espainia guztian geu gara egoera honetan gauden bakarrak. Frankismotik ez zen horrelakorik ezagutzen eta ez da inoiz gehiago gertatu behar» esan zuten Ikasleen Kontseiluko ordezkariak. Enrike Lopez Kazetaritza Fakultateko Ikusentzutezko Komunikazioaren Sailekoa, Jose Luis Herrero Castro Ekonomia Sailekoa, eta Kazetaritza Saileko Jose Luis Ibañez, Jesus Mari Zalakain eta Nikolas Xamardo dira ekainean azterketak egin ez dituzten irakasleak. Azken hau, Xamardo, irakasle titularra da eta irakasle kontratadunekiko elkarlaguntzatik ez ditu egin azterketak.

Mila eta berrehun ikasle inguru dira azterketak ekainean egiteko aukera izan ez dutenak, eta uztailearen amaieran egin beharko dituzte Ikasleen Kontseiluko ordezkariak adierazi zutenek. Auzitegi berezi bat arduratuko da azterketa hauek egiteaz. Egoera hau izanik, ikasle bakoitzak ikasgelan emandako gaiak soilik sartzea azterketan eskatuko die Ikasleen Kontseiluak Unibertsitateko arduradunei.

Hego Euskal Herriko ikasleen % 93k gainditu du selektibitatea

G. AGIRRE / BILBO


Hego Euskal Herriko ikasleen % 93,14ak gainditu du Unibertsitatean sartzeko azterketa. Azterketak ekainean 18 eta 20a bitartean egin ziren. Selektibitateko azterketa gainditu duten ikasle kopuruak gora egin du aurten. Iazko datuekin parekatzen baldin baditugu, ia % 2 ikasle gehiagok gainditu dute froga hori, 1990. urteko ikasturtean gainditutakoen zenbatekoa % 91,31koa izan bait zen.

Unibertsitatara Bideratzeko Ikasturtea (UBI) eta Irakaskuntza Ertainen Erreformatako (IEE), ia 14.000 ikasle aurkeztu ziren ekainean selektibitateko azterketara, eta horietatik 13.040k gainditu dituzte frogak.

Probintziaz probintzia aztertzen badugu, Euskal Autonomi Elkarte

hiru probintzietan aprobatuen kopurua, Nafarroan baino altuagoa izan da. Bizkaian, ekainean aurkeztu ziren 6.423 ikasleetatik % 95ak gainditu du selektibitatea. Arabako kopurua berdintsua da, 1.369 ikasle gainditu du «selektibitatearen amets gaiztoa». Donostian, bestalde, aprobatuen portzentaia % 94koa da. Azkenik, Nafarroan, ikasleen % 88k lortu du Unibertsitaterako sarrera txartela.

Hogeitamabi epaimahaia arduratu dira 14.000 ikasle horien azterketak zuzentzen, hogeitabost EAEn eta zazpi Nafarroan. Hego Euskal Herrian ikasleen % 16,4k egin zuen selektibitatea euskaraz, gatzeleraz eta euskaraz egin dutenen arteko aprobatuen kopurua ezagutzen saiatu garen arren, EHUko iturriek ez dute datu horren berri izan.



Ikasle gehienek gainditu dute selektibitatea.

Errusiako ordezkariak
Ardanzarekin bildu zen atzo

Txernobilek kaltetutako 150 ume Euskadira etortzea proposatu zion

Iuri Solomin-ek, Errusiako Kultur ministroak, Txernobileko zentral nuklearreko istripuaz kalteturik izan ziren 150 ume Euskadin hilabetez hartzea proposatu zion atzo Ardanza lehendakariari. Ordezkaritza errusiarrak egun batzuk pasatuko ditu Euskal Herrian, nazio bien arteko harremanak sakontzeko.

LUIS KARLOS GARCIA / GASTEIZ

Jose Antonio Ardanza EAEko lehendakaria eta Errusiako errepublikako delegazio kulturalaren arteko bilera izan zen atzo Ajuria-Enean. Iuri Solomin Kultur ministroa, D.S. Txerniaiev Atzerriko Harreman Kulturaletako Ministeritza ardura-duna eta Andrei Landabaso 'Kultura eta Garapena' nazioarteko zentruko lehendakariak osatzen duten ordezkariak Euskal Herrian ibiliko da egunotan.

Ardanzari egindako proposamenen artean, Txernobil zentral nuklearrak izan zuen istripuaren eragi-



rrusiarrek beren asmoak azaldu zituzten prentsurrekoan.

OLALDE

nez kaltetuta suertatu ziren 150 ume Euskadin hilabetez hartzea. «30eko hamarkadan Euskaditik Soviet Batasunera joan ziren umeentzako laguntza» gogoan dutela esan zuten delegazioko partaideek eskaera hau argudiatzerakoan. Haurrak 150 lirateke, Iuri Solominek Gasteizen esan zuen bezala.

Soviet Batasunean Euskal Herriaz dagoen ezagutzaz ere mintzatu zen

Errusiako Kultur ministroa. «Literatura nahiz 1930eko urte horietako ume haien bidez ezagutzen dugu Euskadi bakarrik eta ezagutza murrizta da», adierazi zuen. Hau dela eta, laster hasiko dira Errusian bizi izan ondoren Euskadira itzuli ziren euskaldunen bizitzaz arituko den filma errodutzen. «Herri batek beste herri bat ezagutu ahal izateko» dokumentala dela esan zuen Solominek.

Baiona eskualdeko suhiltzaileek greba egin zuten uztailearen 14ean

J.L./BAIONA



Baiona-Miarritze-Angelu edo BAM eskualdeko suhiltzaileek bigarren aldikoz greba administratiboa egin zuten uztailearen 14ean. BAMEko suhiltzaileen lehendakariarekin langileen ordezkariak ez zirela-koan konponbide batera iritsi, zuten langileek erabaki lana uztea.

Suhiltzaileek egiten dituzten eskaerak dira gehienbat beren lan baldintzei buruz. Gero eta lan gehiago dutela ikusita langile kopuruaren gehiketa eskatzen dute eta, honekin batera, lan denboraren berrantolaketa. Greba egu-

nean lan administratiboak baizik ez zituzten egin.

Joan zen ostegunean ere greba egin zuten. Egun berean langileen ordezkariak mintzatu ziren Barne Ministeritzak bidali ikuskatzaile nagusi batekin. Honek adierazi zien hemendik urtebetera langileen kopurua 90-113 artean izango dela. Orain suhiltzaileak beha daude BAMEko lehendakariak beharrezkoak diren izariak har ditzan. Oraingoan, langileek lana berrabiatu dute baina ikusteko dago geroan ere halako protesta ekintzarik egingo duten ala ez. Arazoak konpontzea ezinbestekoa da zerbitzu publiko hau normaltasunean izan dadin.

GERNIKAKO AZOKA

Nobedaderik ezean udako espinakak eta pepinoa dira aipagarrienak

MARIBI CAMPILLO / GERNIKA

Jende asko ibili zen hara eta hona, baina salmentak erdipurdikoak izan ziren. Udako espinakak eta pepinoa azpimarratu behar dira, lehena hiruogeitabost pezetan saldu zen kiloa, eta bigarrena berriz, 150 pezetan. Gazta 1.000 pezetan saldu zen kiloa, eta gladioloak berriz, 100-300 bitartean.

BARAZKIAK

Negutegiko bainak, 325-375 pezeta kiloa; tomateak 200-300; negutegiko piperrak, 125 eta sorokoak 140; letxugak, 35-50; porruak 140-200, dozenak; patata berriak, 40-60; erremolatxa sortak, 40; rabanito sortak, 50; ilarrak, 200; kalabazak, 50-125; azak, 50-70; baratxuriak, 300-600 dozena; tipula gorriak, 200-600; tipulinak, 300 dozena; piper lehorrak, 700 zientoa.

FRUTAK

Aranak, 100 pezeta; San Juan udareak, 100; sagarrak, 100; limoiak, 100.

LANDAREAK

Porruak, 300 pezeta zientoa; letxugak, 300 zientoa; Bruselleko azak, 600 zientoa; azaloreak, 500 zientoa; azak, 400; azelgak, 400; tipulak, 250.

HEGAZTIAK

Oilandak, 800 pezeta;

Bihotz eta giltzurrun transplante bikoitza egin dute Iruñean

DONOSTIA

Barcelonako gizon bati bihotz eta giltzurrun transplantea egin diote Nafarroako Klinika Unibertsitarioan. Gizonak 64 urte ditu eta hila-bete pasa du 'Thoratec' sistemari konektaturik. Sistemak gaixoaren bihotza ordezkatu du tarte horretan, organoa kardiopatiak jota zuelako.

Ebakuntza oso modu onean burutu eta gaixoa zuzpertzten hasia dela jakin erazi dute Jose Maria Beriain eta Rafael Llorens medikuek. Gaixoa

—Juan izenekoa— orain 45 egun sartu zen Nafarroako eritexean. Gizon hori miokardiopatiaren azken fasean zegoen eta giltzurrun eritasuna ere bazuen. Egoeraren larriak dialisia egin beharra eragin zuen, geroago tranplante bikoitza egiteko.

Hau da estatuko lehen kasua, komertzializatu gabe eta oraindik esperimentazioan dagoen 'Thoratec' metodo hau erabiltzen dena. Iruñeko Klinikako iturriek esan dutenez, ehun bat laguni baizik ez zaio jarri Estatu Batuetan egindako tresna hau.